

Broj: UP1-06-13-1-23-19/20

Mostar, 23.07.2020. godine

Na osnovu člana 21. Zakona o električnoj energiji u Federaciji Bosne i Hercegovine („Službene novine Federacije BiH“ 66/13, 94/15 i 54/19), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 33. stav (5) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 34. stav (3) tačka c), člana 35. i člana 36. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16) i člana 17. Pravilnika za izdavanje dozvola („Službene novine Federacije BiH“ broj 2/17 i 39/20), Regulatorna komisija za energiju u Federaciji Bosne i Hercegovine – FERK je, na XII redovnoj sjednici održanoj u Mostaru dana 23.07.2020. godine, donijela

O D L U K U

o provođenju postupka formalne rasprave

Član 1.

Po Zahtjevu za izdavanje dozvole za rad za proizvodnju električne energije broj UP1-06-13-1-23/20 od 15.04.2020. godine podnosioca zahtjeva „EKO-VAT“ d.o.o. iz Jablanice provest će se postupak formalne rasprave.

Član 2.

Postupak formalne rasprave provest će se najkasnije do 04.09.2020. godine.

Član 3.

Formalna rasprava u postupku po Zahtjevu iz člana 1. ove odluke održat će se u prostorijama FERK-a, na adresi Kneza Domagoja 12A, Mostar, dana 12.08. 2020. godine u 11:00 sati.

Član 4.

U formalnoj raspravi mogu učestvovati radnici FERK-a, podnosilac zahtjeva i umješač. Zainteresovana javnost moći će pratiti formalnu raspravu isključivo putem video linka, za šta je potrebno dostaviti prijavu na adresu FERK-a, Kneza Domagoja 12A u Mostaru ili na elektroničku adresu kontakt@ferk.ba, najkasnije do 10.08.2020. godine do 12:00 sati.

Član 5.

- Obavještenje za javnost o provođenju postupka formalne rasprave po podnesenom Zahtjevu iz člana 1. ove odluke i mjestu i vremenu održavanja formalne rasprave iz člana 3. ove odluke objavit će se na internet stranici FERK-a, dana 24.07.2020. godine, i ista će sadržavati informaciju da na formalnoj raspravi mogu jedino učestvovati radnici FERK-a, podnosilac zahtjeva i umješlač.
- Obavještenje iz stava (1) ovog člana je sastavni dio ove odluke.

Član 6.

Ova odluka stupa na snagu danom donošenja, te se objavljuje na oglasnoj tabli i internet stranici FERK-a.

O b r a z l o Ź e n j e

Dana 15.04.2020. godine FERK je od podnosioca „EKO-VAT“ d.o.o. iz Jablanice pod brojem UP1-06-13-1-23/20 primio Zahtjev za izdavanje dozvole za rad za proizvodnju električne energije. Nakon izvršenog pregleda potpunosti zahtjeva, te upotpunjavanja istog, utvrđeno je da su se stekli uslovi za objavu obavještenja za javnost o nacrtu dozvole. Obzirom na navedeno, FERK je 02.07.2020. godine Odlukom broj UP1-06-13-1-23-08/20, usvojio Nacrt dozvole za rad za proizvodnju električne energije u postupku izdavanja dozvole po Zahtjevu za izdavanje dozvole za rad za proizvodnju električne energije broj UP1-06-13-1-23/20 od 15.04.2020. godine podnosioca zahtjeva „EKO-VAT“ d.o.o. iz Jablanice. Obavještenje za javnost o opštoj raspravi o predmetnom Nacrtu dozvole za rad za proizvodnju električne energije objavljeno je na internet stranici i oglasnoj tabli FERK-a 02.07.2020. godine, te je u istom navedeno da lica koja imaju direktan interes učestvovati u postupku izdavanja dozvole za rad za proizvodnju električne energije pod uslovom da im je interes različit od opšteg javnog interesa, mogu podnijeti zahtjev za sticanje statusa umješlača, na adresu FERK-a ili na elektronsku adresu FERK-a, u periodu od 02.07. do 10.07.2020. godine do 11:00 sati.

Na osnovu navedenog 13.07.2020. godine Udruženje građana „Za Doljanku“ Jablanica podnijelo je Zahtjev za sticanje statusa umješlača u ovom postupku izdavanja dozvole za rad, koji je u FERK-u primljen pod brojem UP1-06-13-1-23-13/20. Rješavajući po ovom Zahtjevu za sticanje statusa umješlača, FERK je 23.07.2020. godine donio Zaključak broj UP1-06-13-1-23-18/20, kojim je odobren predmetni Zahtjev za sticanje statusa umješlača.

Imajući u vidu postojanje više strana u postupku (podnosioca zahtjeva i umješlača) sa različitim interesima, a u cilju utvrđivanja odlučnih činjenica bitnih za donošenje odluke u ovom postupku, kroz provođenje dokaznog postupka svim sredstvima potrebnim za utvrđivanje činjenica, kao što su isprave, svjedočenja strana u postupku i izjave sa pravom unakrsnog ispitivanja, dokumenti, uviđaji, nalazi i mišljenje vještača itd., FERK je odlučio provesti postupak formalne rasprave po

Zahtjevu za izdavanje dozvole za rad za proizvodnju električne energije broj UP1-06-13-1-23/20 od 15.04.2020. godine.

Na osnovu navedenog, a postupajući u skladu sa članom 34. stav (3) tačka c), članom 35. i članom 36. Pravilnika o javnim raspravama i rješavanju zahtjeva, sporova i žalbi, te članom 17. Pravilnika za izdavanje dozvola, odlučeno je kao u dispozitivu ove odluke.

PREDSJEDNIK
FERK-a
Mile Srdanović

Dostaviti:

- „EKO-VAT“ d.o.o. iz Jablanice (poštom preporučeno uz dostavnicu)
- Udruženju građana „Za Doljanku“ Jablanica (poštom preporučeno uz dostavnicu)
- Sektoru za tehničke poslove i licence